

**Razvojna banka Federacije
Bosne i Hercegovine
v.d. Predsjednica Uprave**

Broj: 6283-III/22
Sarajevo, 19.05.2022. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 6062-XI/22 od 12.05.2022. godine i člana 20. Statuta Razvojne banke Federacije Bosne i Hercegovine, u postupku nabavke robe-higijenskih potrepština za potrebe Razvojne banke Federacije BiH za period 12 mjeseci, v.d. predsjednica Uprave Banke donosi

ODLUKU

**o izboru ponuđača u postupku nabavke robe - higijenskih potrepština za potrebe
Razvojne banke Federacije BiH**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda broj 6062-XI/22 od 12.05.2022. godine i Okvirni sporazum za nabavku higijenskih potrepština za potrebe Razvojne banke Federacije BiH za 12 mjeseci dodjeljuje se ponuđaču AERO-EXCLUSIVE d.o.o. Sarajevo, Kolodvorska 12, Sarajevo, kao najpovoljnijem ponuđaču u konkurentskom zahtjevu za dostavljanje ponuda.

Član 2.

Ukupna ponuđena cijena Okvirnog sporazuma iz člana 1. ove odluke, iznosi 11.288,99 KM bez PDV-a, što u konačnici, s uračunatim PDV-om, iznosi 13.208,12 KM.

Član 3.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rfbih.ba, istovremeno s upućivanjem iste ponuđačima koji je sudjelovali u ovom postupku.

Član 4.

Ova odluka stupa na snagu danom donošenja i dostavlja se ponuđačima koji je sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka nabavke robe-higijenskih potrepština za potrebe Razvojne banke Federacije BiH broj 4077-III/22 od 29.03.2022. godine, pokrenut je postupka nabavke predmetne robe za potrebe Razvojne banke Federacije BiH.

Javna nabavka je provedena putem konkurentskog zahtjeva za dostavljanje ponuda, a kriterij za dodjelu ugovora je najniža cijena.

Procijenjena vrijednost nabavke iznosi 11.000,00 KM bez PDV-a.

Obavještenje o nabavci predmetne robe objavljeno je na Portalu javnih nabavki dana 30.03.2022. godine, broj obavještenja: 1011-7-1-88-3-12/22 i Ispravka obavještenja o nabavci broj 1011-7-1-88-8-13/22 od 11.04.2022.godine. Tenderska dokumentacija objavljena je zajedno sa navedenim obavještenjem.

Odlukom Ugovornog organa broj 3286-III/22 od 14.3.2022. godine i broj 4111-III/22 od 29.3.2022.godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su evidentirane i blagovremeno zaprimljene 3 (tri) ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	„ROBOT GENERAL TRADING Co“ d.o.o. Sarajevo, Rajlovačka cesta 41, Sarajevo	18.04.2022. godine u 12:55 h	15.612,07	0,00	15.612,07
2.	„R&S“ d.o.o. Sarajevo, Igmanska bb Vogošća	22.04.2022. godine u 09:40 h	12.629,26	0,00	12.629,26
3.	„AERO-EXCLUSIVE“ d.o.o. Sarajevo, Kolodvorska 12, Sarajevo	22.04.2022. godine u 10:30 h	11.288,99	0,00	11.288,99

Na osnovu izvršene analize i ocjene pristiglih ponuda, Komisija je utvrdila da su 2 (dvije) ponude prihvatljive i 1 (jedna) ponuda neprihvatljiva.

Ponude ponuđača „R&S“ d.o.o. Sarajevo i „AERO-EXCLUSIVE“ d.o.o. Sarajevo ispunjavaju zahtjeve iz tenderske dokumentacije, te su iste prihvatljive.

Ponuda ponuđača „ROBOT GENERAL TRADING Co“ d.o.o. Sarajevo ne ispunjava tražene zahtjeve iz tenderske dokumentacije, te se odbija zbog sljedećeg:

Provjerom dostavljene specifikacije definisane u Obrascu za cijenu ponude – Aneksu VI tenderske dokumentacije, utvrđeno je da ponuđeni artikli ponuđača „ROBOT GENERAL TRADING Co“ d.o.o. Sarajevo pod rednim brojevima 19., 20., 32., 37., 42. i 43. ne odgovaraju traženim opisima (detaljno obrazloženje u Zapisniku o pregledu i ocjeni ponuda broj: 6062-XI/22 od 12.05.2022.godine).

Tačkom 10. tenderske dokumentacije definisano je da: „Sve ponuđene stavke moraju zadovoljiti zahtjeve iz specifikacije, u suprotnom ponuda se odbacuje kao neprihvatljiva“. Imajući u vidu navedeno, u skladu sa članom 68. stav (4) tačka i) Zakona, ponuda ponuđača „ROBOT GENERAL TRADING Co“ d.o.o. Sarajevo se odbacuje kao neprihvatljiva.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz tenderske dokumentacije.

Tačkom 24. tenderske dokumentacije predviđeno je provođenje e-aukcije u skladu sa Pravilnikom o uslovima i načinu korištenja E-aukcije (Službeni glasnik BiH broj 66/16). Predviđeno je da će e-aukcija trajati 15 minuta.

Za prethodno navedene ponuđače koji su dostavili prihvatljive ponude zakazana je e-aukcija za četvrtak 12.05.2022. godine sa početkom u 10:00 h.

E-aukcija je održana 12.05.2022. godine, počela je u 10:00 h, a završila u 10:15 h.

Rangiranje prihvatljivih ponuda prema kriteriju za izbor ponude nakon provedene e-aukcije:

R. Br.	Ponuđač	Ukupna cijena ponude (bez PDV-a) u KM	Rangiranje
1.	„AERO-EXCLUSIVE“ d.o.o. Sarajevo, Kolodvorska 12, Sarajevo	11.288,99	1
2.	„R&S“ d.o.o. Sarajevo, Igmanska bb Vogošća	12.629,26	2

Ponuđač „AERO-EXCLUSIVE“ d.o.o. Sarajevo dostavio je u predmetnom postupku javne nabavke prihvatljivu ponudu u skladu sa tenderskom dokumentacijom, koja je nakon provedene e-aukcije ocijenjena najpovoljnijom.

Prema članu 69. stav (2) tačka e) Zakona o javnim nabavkama („Službeni glasnik BiH“ broj: 39/14) propisano je: *„Ugovorni organ obavezan je poništiti postupak javne nabavke u slučaju da: cijene svih prihvatljivih ponuda znatno veće od osiguranih sredstava za predmetnu nabavku.“* Iz citirane odredbe Zakona proizilazi da je ugovorni organ obavezan poništiti postupak javne nabavke ako su cijene svih prihvatljivih ponuda *„znatno“* veće od osiguranih sredstava za tu nabavku u budžetu ugovornog organa.

Imajući u vidu sve prethodno navedeno, a prvenstveno da je ponuđač „AERO-EXCLUSIVE“ d.o.o. Sarajevo dostavio u predmetnom postupku javne nabavke prihvatljivu ponudu u skladu sa tenderskom dokumentacijom u iznosu od 11.288,99 KM bez PDV-a, koja za 288,99 KM prelazi procijenjenu vrijednost nabavke, odnosno nije znatno veća od iste, uz činjenicu da se radi o okvirnom sporazumu, odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97., 99. i 101. Zakona. Žalba se podnosi u najmanje 3 (tri) primjerka.



v.d. Predsjednica Uprave

[Signature]
Doc. dr. sci. Mersiha Slipičević, dipl. oec.

Dostaviti:

- Učesnicim u postupku